



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iacobi Lobbetii Leodiensis E Societate Iesv. Specvlvm  
Ecclesiasticorvm, Ac Religiosorvm.**

**Lobbet de Lanthin, Jacques**

**Leodii, 1640**

Admodvm Reverendo Patri Ac Domino D. Hvberto A Svetendael Sacrae  
Theologiae Licentiato, ...

[urn:nbn:de:hbz:466:1-47105](https://nbn-resolving.org/urn:nbn:de:hbz:466:1-47105)

ADMODVM REVERENDO PATRI  
AC DOMINO  
D. H V B E R T O  
A S V E T E N D A E L,  
SACRÆ THEOLOGIÆ LICENTIATO,  
IMPERIALIS  
ATQVE EXEMPTI MONASTERII  
SANCTI TRVDONIS  
A B B A T I D I G N I S S I M O,  
Eiusdemq; Oppidi Domino,

T O P A R C H Æ

In Helchteren, Seny, Alem, Halmaele, Donck,  
Borlo, Buuinghen, &c.

PATRONO SVO AC MOECENATI  
SALVTEM AC FELICITATEM.



*Citè pronuntiauit è Philosophis  
vnus aliquis. Speculū o-  
culus est artis: sicut o-  
culus speculum est na-  
turæ. Vt pusillus sit orbis ocu-  
lus, in eo tamen colliguntur Vrbes & Orbes, &  
ipsa species, ideaque totius aspectabilis Vniuersi:*

a 2

ita



## EPISTOLA

ita licet exiguum sit speculum, exhibet nihilominus obiectarum sibi quarumcumq; rerum imagines, sint illa cuiuscumq; molis, atque magnitudinis. Exhibet inquam, & si qua in eis pulchritudo, formaque gratia; si qua è contra turpitudine, ac deformitas, illam fideliter reddit: Et hoc quidem præcipuè in usum, commodumq; generis nostri; ut videlicet homo, qui alia à se videt omnia, seipsum autem nõ videt, videat beneficio vel unius speculi: à quo etiam, & alterum illud habeat, ut si quis in vultu sit neuus, si qua macula, eam illico aduertere possit, atq; eluere: imò verò (quod mirabere magis) in eo etiam cognoscere, in omni vita, atque etate quid deceat, quid ve dedebeat. Pro hac assertione, Seneca fidem, atque auctoritatē appello: Inuenta, inquit, sunt specula, ut homo ipse se nosceret, multa ex hoc consecuta: primò notitia sui, deinde & ad consilium quædã. Formosus ut vitaret infamiam; deformis ut sciret redimendū esse virtutibus quidquid corpori deesset. Iuuenis

vt

L. 5. Natural.  
quæst. c.  
17.



## DEDICATORIA.

vt flore ætatis admoneretur, illud tē-  
pus esse discendi, & fortia audendi.  
Senex vt indecora canis deponeret,  
& de morte aliquid cogitaret. *Hæc Se-  
neca è muscolo suo quondam emisit, vel vt po-  
steros doceret, quis ex naturâ, & ratione deberet  
esse speculorum vsus; vel vt eos perstringeret,  
qui plus a quo formæ amantiore, de eâ ad specu-  
lum disputant etiam ad horas, & dies; quod huius  
ætatis vitium est; à quo remotiores esse nos dum  
volo, simul etiam opto, vt quod ab istis speculis  
homini cui libet ad formæ examen est: hoc Eccle-  
siasticis ac Religiosis sit ad mores, ab illo speculo,  
quod exiguo volumine molior; vt scilicet in eo  
aspiciant sese, notentq; sedulo, sitne in ipsorum ani-  
mis is qui debet esse decor, sintne ea virtutum  
ornamenta, quæ illam vitæ rationem quam ma-  
ximè deceant; an è contra ipsis insideat neuis a-  
liquis, turpiorve macula, quæ sacrationem illum  
statum, ceu Ecclesia facië inficiat, atq; deuenustet.*

*Dum autem istud apud me ipse meditor, &  
hoc speculum meum animâ & spiritus vacuum,*



EPISTOLA

hominū oculis exponere paro; in mentē ac cogita-  
 tionē incurristi (PRÆSVL DIGNISSIME) tan-  
 quam viuum, ac spirans Trudonensis Ecclesie spe-  
 culum. Dicā enim quod ex vero dici potest, ac de-  
 bet: ad insulam, pedumq; euectus es amabili Dei  
 prouidentia, qua disponit omnia suauiter;  
 Et in ea dignitate, qua tuos inter est longē maxi-  
 ma, mirā morum suauitate, ita te probare cœpi-  
 sti, ut ab illo honoris culmine de humanitate nihil  
 omnino decessisse, accessisse plurimum videatur.

Sap. c.  
2.

L. 4. E-  
pist. 7.

Dixit olim Ennodius; qui fastum in su-  
 blimitate castigat, docet se meruisse  
 quod adeptus est. Et ita hactenus docuisti,  
 docebisque (voti speramus) dum viues. Hoc enim  
 spondet appensa tuis armis hac tessera; Omnia  
 Suauiter.

A qua primum petenda est illa oris tui, ani-  
 mique, ceu speculi, dignitas, cuius gratiam, ac  
 splendorem mirum quantum auget eruditio pla-  
 nē singularis; quā tuos inter emines, donatus  
 etiam laurea Theologicā; à qua virtutem cum  
 doctrina (qua duo Præsulem faciunt) ita nectis,

ac



## DEDICATORIA.

ac maritas : ut dubium sit utra vincat , aut vincatur ; sed parum interest : vincit utraque , dum vincitur. Verum de his pro merito tuo sanè parcius ; pro modestia tua plus satis : Sentio enim me tacitè moneri , ut à te tuisque laudibus discendam , oculosque , ac mentem altius erigam , ducamque in domum aeternæ Beatitatis ; è qua Cœnobij tui diui Tutelares lucent , lucebuntque in ævum omnes tanquam Specula Mortalium oculis exposita , ut in ijs præclara magnarum virtutum ornamenta , & seu gratia , seu etiam gloriæ splendorem , ac lucem aspiciant , studeantq; impensius æmulari ; atque imprimis S. Trudonis Abbatis omninò Sanctissimi , qui & Monasterio , & Vrbi nomen , famamq; fecit. Tum etiam S. Eucherij Episcopi Aurelianensis , ab innocentia morum , vitæque integritate multo celeberrimi : tum deinde S. Liberti Martyris inclyti , qui solum illud suo sanguine & imbuit , & sacrauit : tum deniq; S. Beregisij propter eximia virtutum decora Pipino principi longè carissimi : cuius auspicijs cõditum Andaini Cœnobium , quod postea

D.



EPISTOLA DEDICATORIA.

*D. Huberti dictum, multâ cœli gratiâ, multisq̃  
prodigijs celebre.*

*Ita nimirum factum est (& factum bene) ut  
è Trudonensi Cœnobio sacra ducerentur Colonia,  
nouaq̃ & Cœlis & Terris assurgerent sanctif-  
simorum virorum Asceteria, quæ illi debent pri-  
ma & Religionis & Sanctitatis suæ fundamen-  
ta. De quibus Adm. R. D. V. gratulor, voueo-  
que ut nobis, ut Tuis omnibus, ut Legiæ, Patriæ  
tibi amantissimæ, quam diutissime viuas; ut in  
Te, seu Religiosæ Vitæ speculo, seu etiam Parente  
ac Præsule, habeant filij tui, (viri sanè Religio-  
sissimi) quod aspiciant, quod ament, quod imi-  
tentur. Et hæc sunt vota, quæ cum meis, ac meo-  
rum officijs in manus Adm. R. D. V. lubens  
volensque depono. Leodio 27. Februarij Anno  
M. D. C. XL.*

Adm. R. Dominationis Vestræ  
Seruus in Christo

IACOBVS LOBBETIVS  
E SOCIETATE IESV.

AR.